



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Missae ritus.

urn:nbn:de:hbz:466:1-9534

- 4 Qui quotidie tenetur celebrare, si aegrotet per duos menses, non tenetur per alium satisfacere. *Petr. Nau. de restit. l. 2. cap. 2. num. 210. Et Nald. v. Missa num. 11.*
- 5 Per dies quindecim docet idem *Dia. tract. de celebr. Missa resol. 27.*
- 6 Per octo dies, vel decem. *Barbos. de pot. Episc. alleg. 24. num. 32. cui adhæreo.*
- 7 Non potest satisfieri duabus obligationibus vnica Missa, & cum nouo stipendio; nisi in fundatione cautum sit expressè, quod non teneatur sacrificium applicare. *Nota. expressè: Congr. Conc. 13. July 1630. apud Barbos. de iure Eccl. l. 3. cap. 5. num. 38.*
- 8 Qui habuerit obligationem vnus Missæ in hebdomada cum stipendio legato, & confirmato de octo annis in octo annos, potest demandare alteri celebrationem dictarum Missarum cū cleemosyna consueta iuxta morem regionis, retenta sibi parte dicti stipendii. *ead. 7. Sept. 1630. apud eundem ibidem num. 39.*

Missa ritus.

- 1 Missæ approbatæ pro certis Regularibus non possunt ab aliis dici, nec in eorum Regularium Ecclesiis. *Congr. Rit. 19. Nouemb. 1622.*
- 2 Missa Rosarii concessa est Dominicanis tantum, non aliis. *eadem die 8. Aprilis 1628.*
- 3 Pro ea solet concedi Missa votiuâ communis de B. Virg. *ead. 6. Maii 1623.*
- 4 Missa S. Mariæ de Carmelo solis Carmelitis conceditur. *ead. 6. Aprilis 1628.*
- 5 Missæ XV. Auxiliatorum, S. Gregorii pro viuus, & pro Defunctis Venetiis, & alibi impressæ, de Patre æterno, sunt omnibus prohibita. *eadem ibid.*
- 6 Non tamen Missæ prohibentur eæ, quæ numero triginta, nomine Sancti Gregorii appellantur, de quibus *Dial. 4. cap. 55. eadem 28. Octobris 1628.*
- 7 Sed & prædictæ nominatim prohibita retineri non possunt, sub pœna inflicta tenenti libros prohibitos. *eadem 3. Aprilis 1628.*
- 8 Capellani Monialium possunt celebrare Missam de Sancto, de quo Moniales recitant Officiu; sed cum Missali Romano de communi, si intra Missale Romanum non est de eo Missa propria. *eadem 20. Nouembris 1628.*
- 9 In ipsa Missa ritus, & precès approbatæ tantum adhibeantur. *Trident. sess. 22.*
- 10 Solis Episcopis licet sumere paramenta de Altari. *Congr. Rit. 7. Iulii 1612.*
- 11 Non competit Vicariis Generalibus, vt ad eorum Missam ardeant quatuor candelæ in altari, neque quod duo illis ministrent cum Cotta, etiam si sint Protonotarii. *eadem Congr. Rit. 7. Augusti 1627.*
- 12 Annuli vsus prohibetur in Missa Protonotariis non participantibus, & doctoribus. *eadem 11. Februar. 1623.*
- 13 Et Canonicis Cathedralium. *eadem 20. Nouembris 1628.*
- 14 Pileoli vsus in Missa non potest concedi, nisi à Papa. *eadem 31. Ianuarii 28. Martii 24. Aprilis 1626.*
- 15 Missam inchoatam nemo repetat. *Prouinc. 1.*
- 16 In oratione, *A cunctis*, nomen S. Michaelis, seu S. Ioannis Baptistæ, si ii sunt Patroni, vel Titulares, ponitur ante Apostolos. *Congr. Rit. 22. Augusti 1620.*
- 17 Oratio iussa à superiore dici, vltra collectas de die, non dicitur in festis primæ classis. *ead. 28. Augusti 1627.*
- 18 Liber Euangelii non debet dari osculandus, nisi Episcopis, Prælati maioribus, & Principibus magnis, non Gubernatoribus, aliisque ministris. *Congr. Episcop. 22. Augusti 1589.*
- 19 Neque Vicario Apostolico. *eadem 28. Augusti 1589.*
- 20 Neque Commendatario, seu illius Procuratori. *Congr. Rit. 17. Sept. 1611.*
- 21 Laico Principi non nisi per Clericum deferatur. *Prou. 4.*
- 22 Cum oblatio fit in Missa, ne detur patena osculanda. *Prou. 1.*
- 23 In Missa fer. 4. temporum occurrentis in die octaua Natiu. B. Virg. præfatio erit ferialis. *Congregat. Rit. 12. Decembris 1626.*
- 24 In Canone, nomine Antistitis nō sunt nominandi superiores Regularium. *ead. 12. Nouemb. 1605.*

- 25 Communicantes, de Ascensione, non omittitur in festis secundæ classis, quæ occurrant infra octauam Ascen. licet de ea non fiat commemoratio. eadem 28. Augusti 1617.
- 26 Signum, quod fit cum patena à fronte ad pectus, est signum crucis. eadem 13. Martij 1627.
- 27 In Parasceue immittitur particula in calicem sine crucis signo. ead. 28. Augusti 1627.
- 28 In fine Missæ ad quodeumque altare celebratæ fit reuerentia Cruci infra gradus, capite discooperto. ead. *ibid.*
- 29 Reliqua in Missali habentur, & in *Th. sacro sacrorum Rituum tom. 1. Auctore huius operis, ubi multa.*
V. *Cardinalis. num. 21.*
Exequæ. num. 30. 53. 54. 55.
Missâ. num. 3. 11. 12. 13.

Missâ Parochialis.

- 1 **P**arochi saltem ter in hebdomada celebrent. Prou. 1.
- 2 Die festo duabus horis post ortum solis fiat Missa. Prou. 4.
- 3 Alijs diebus pro commodo populi. *ibidem.*
- 4 Si alius est sacerdos, hic in aurora celebret pro iter agentibus. *ibid.*
- 5 Intra fines Parochiæ nulla fiat Missa in die festo, excepta illa prima ante Missam Parochialem, sine licentia Parochi. *ibid.*
- 6 Si illa prima nocet, tollatur. *ibidem.*
- 7 Ne gratia cuiusquam anticipetur, aut differatur, neq; concio omittatur, Pro. 1.
- 8 Imperiosi, minaces in hac re coercantur ab Episcopo; clericus priuatione beneficii, seu inhabilitate ad beneficia; laicus excommunicatione. Prou. 4.
- 9 Moneatur populus, vt Parochialem audiat Missam. Prou. 1.
- 10 Non potest Ordinarius multis, & penis per Concil. Trid. etiam in casu notabilis negligentæ, aut contumaciæ, cogere populum ad audiendam Missam in Parochiali. Decisum referunt DD. apud Barbof. *alleg. 24. num. 17.*
- 11 Possunt enim Laici eandem audire in Ecclesijs Regularium ad librum, Leo

- X. 13. Nouembr. 15 17. & Congr. Episc. 1. Iulij 1666.
- 12 Viduæ non excusentur ab audienda Missa, vltra mensem. Prou. 1.
- 13 Ne quid profanum in Missa publice- tur. Prou. 4.
- 14 Cum eleuatur sacramentum, detur signum sono campanæ, quæ est in Turri Prou. 2.
- V. *Doctrina Christiana. num. 15.*
Missâ. num. 15. Regularium iura sub Episcopi. num. 30.

ADDITIO.

- 1 **N**on potest prohiberi celebratio Missæ in oratorio ruri edificato per laicum, antequam celebretur Missa Parochialis. Congr. Conc. 18. Septemb. 1627. Congr. Rit. 31. Mart. 1629.

Missâ Conuentualis.

- 1 **T**enentur Canonici omnino cantare Missam de die, vt lucrentur distributiones. Cong. Rit. 28. Ianuarij 1612.
- 2 In Cathedralibus, & collegiatis, etiam in ferialibus, fiat Missa cum Diacono, & Subdiacono, si numerus sufficiat. Prou. 4.
- 3 Canonico celebranti assistens datur, si est immemorabilis consuetudo. Congreg. Rit. 19. Iunij 1604.
- 4 Potest Episcopus cogere Canonicos, vt à capellanis in Quadragesima cantare faciant Missam cum Diacono, & Subdiacono. eadem 17. Iulij 1627.
- 5 Missa votiuæ, seu de Requiem non valet pro Missa de die, nisi vt in Rubricis eadem 17. Ianuar. 1627.
- 6 Anniuersarium Defunctorum, aut in die depositionis, supplere non potest pro Missa de die, sed vtraque cantanda est Missa, eadem 12. Iulij 1628.
- 7 Neque consuetudo contraria induci potest non cantandi Missam Conuentualem de die. ead. 16. Ianuarij 1627.
- 8 Duæ Missæ de festo, & de feria in Rubricis præscriptæ non debent omitti; neque potest omitti altera, etiam si celebrandum sit Capitulum. eadem 6. Maij 1626. & 16. Ianuarij 1627.
- 9 Cum prædictæ duæ Missæ prescribuntur.